

# 邕寧縣志卷二

## 垠西莫炳奎星五編纂

### 地理志二

#### 山川上

縣之山凡三幹。皆導諸雲南文山縣之文山。

亦名火焰山、鬱江以北諸山。命曰封陵之幹。

自雲南文山縣文山

稍北為麒麟山。入賓寧縣境。為紅石板郎木王速諸山。入廣西西隆諸境為金鐘山。在凌雲縣為青龍山。在百色縣為仙橋山。在恩隆縣為隆山。在思林縣為蓬山。波芟山。在那馬縣為六部蘇璋龍巖諸山。在龍山縣為天堂嶺。在上林

武鳴間。突起為大明山。綿亘數百重。入賓陽永淳間。為領方山。賓陽永淳橫貴間、為震龍山、入貴縣為龍山、桂平為西山、至黔鬱合流處止、山陰之水入紅水江、山陽之水入鬱江、自大明山南端登台山、入賓陽為古漏關、三

才山、石牛岡、入縣東北境、為封陵山、左右二江間諸山。命曰都龍之幹。自雲南賓寧縣南辟令者玉諸山、入廣西靖西縣境

縣為下貝山、八字嶺、入鎮結縣為楊果嶺、入萬承州為雲巖門、入同正縣為恒光嶺、星遊嶺、入縣西境為蓬樓山、山陰之水入右江、山陽之水入左江、鬱江以南諸山。命曰苟扇之幹

自雲南文山縣文山、折入賓寧縣、為阿吉花架架麻勿辟令者玉諸山、入廣西鎮邊縣境、為勞山、在南行人安南境、至石室縣、為苟扇山、漢苟扇故縣在焉、外國人譯為結露山脉、蓋以此為名、而聲轉耳、晉葛洪求為苟扇令、採丹砂

即此、後人以北流縣之句漏山當之誤矣、又東行復入廣西憑祥縣、為鎮南關、伏波山、在寧明縣為公母山、在思樂縣為連珠山、天倉山、在上思縣為十萬大山、東北行為排陽山、東曉山、又東行為幞帳山、再東入縣西南境、突起為

煉心山、是為苟扇正幹、山陰之水入鬱、山南之水入海、其自大思東曉山北出為望州嶺、王施山、入縣西南境、為如和山、一小幹、自上思王施山北行、經上思綏祿扶南間、入縣西南境、為鏡鉞山、一小幹、其分布

於境中者。自幹而支。支而復有支。皆以次詮焉。

封陵之幹。起縣東北境崑崙山。分為東西二支

東支自崑崙山迤東。為石塞隘。封陵山。佛子嶺。是界賓陽。

崑崙山〔明史地理志〕宣化縣東。有崑崙山。〔大清一統志〕崑崙山。在宣化縣東北一百

六十里。原作百二十里、今訂正、嶮巖峻拔。高出羣山。有道極險。古設關於此。〔方輿勝覽〕崑崙山

• 在宣化縣東。崑崙關在焉。〔名勝志〕上有台可瞭遠。宋皇祐間。為儂智高所據。安

撫使狄青破勝之。魏禹卿案魏濬字也西事珥云。狄武襄以上元夜奪崑崙關。破儂智高。關

扼賓邕兩界。水南北分流。案關北之水、入武緣江、伶俐水、南入大冲江、勢不甚峭。而險仄難行。騎者亦以為

苦。旁多岐嶺。與諸峒通。若據崑崙。須防間道云。〔明董傳策崑崙歌送顧侍御一貫出巡〕崑崙山高控西粵、飛蟠千丈何奇絕、青峯突出

破大荒、赤嶠天矯森石骨、氣概橫攢玉碎圓、巖泉灣瀉珠流沫、怪樹枯藤掛老崖、雲屏疊斷蛇蛇穴、山精嘯

瘴作雨、菁篁颯沓嵐烟掣、桄榔枝暗珊瑚拳、荔子花斑鷓鴣舌、陽和偏落四時花、鬱蒸不□三冬雪、涼風俄驚

變曉昏、亭午日高雲乍撥、羲景依微盪綠鬢、蠻疆一望迷丘垤、瀧練摩崖峭壁牙、竅天欲墮盤江髮、星毳翼軫

古隘關、邕管西迤領方接、明都銅柱鎮華夷、汴宋醜儂猶宰割、松畧曾標京觀雄、奇兵一夜關南奪、至今馬狄

並高勳、八寨還嗣新建烈、滄嶼不改戎機銷、群狙跳梁誰式遏、彌原荒頓轉流移、牛齒難繁聲教濶、使君行部

踏春來、春光縹緲薰騰發、繡斧擎翻瘴嶺霞、花驄嘶控皇華節、霜姿只飽苜蓿餐、滿道清風洗炎熱、□□萬里

載馳驅、今古興懷□吹徹、我戎徒慚白面生、君巡自憶丹穹闕、相逢且草誇壯遊、好向明時樹宏業、振衣八極被九垓、俯視崑崙成一撮、

石塞隘〔賓州志〕有路可通崑崙關。為狄青間道渡兵處。〔採訪〕在縣東北一百六十里。形勢亞於崑崙。今邕賓驛道出此。

封陵山〔太平寰宇記〕在府東。案宋邕州帥府也可邏水出焉。〔採訪〕今名了髻山。又名八仙山

。縣東北百五十里。為縣東鎮山。唐封陵縣。以此為名。

自封陵山迤南爲高鶴嶺。偏西爲黛墨嶺。以上五塘鄉境又南爲大盤道人石緣諸山。西出至石耕嶺。

拜茶嶺。以上伶俐鄉境至大冲江。入鬱江處而止。本支爲大冲伶俐二江分水峽。其走伶俐江以東

者。有文龍尖峯橫戈諸山。

高鶴嶺 縣東一石五十里。鶴頂翹立。高出羣峯。

黛墨嶺 縣東一百二十里。春光明媚。黛墨嫵然。

大盤山 縣東一百二十里。有大盤之廢墟。

道人山（名勝志）形似道人之冠。因以名之。

逃軍山（府志）縣東一百二十里。明末土寇李啞。屯據於此。（水道提綱）鬱江流經山南麓。入永淳縣境。

石緣口 縣東一百二十里。爲哨守要地。

石耕嶺 縣東百一里。接拜茶嶺。高一千七百八十七尺。

文龍嶺 縣東百三十里。

尖峯嶺 縣東百二十里。

橫戈嶺 縣東百一十五里。

西支自崑崙山北行。爲思玉山。白鑿山。南折爲白頭蒼帽鹿鳴大夾諸山。又西北迤入武鳴縣。復南折入境。爲都茗山。三岑坳。以上五塘鄉境、

思玉山（明史地理志）宣化縣東有思玉山。（一統志）縣東北六十里。案當作一百六十里（名勝志）

跨柳賓界。險峻難登。案明代、賓州屬柳州府、故云跨柳州府界、（太平寰宇記）其山有石似玉因名。（採訪）通

賓陽柳峒。今名仙女山。高二千五百六十九尺。案仙女、思玉聲轉耳（賓州志）仙女峯。在崑崙山

北五里。遍山皆土。惟頂上二石聳拔秀削。下有二水。從石罅出。

白鑿山 縣東北一百三十里。萬山所彙。重岡複隩。至為深阻。白鑿一峯。高入雲表。

踞邕賓上武四縣。境北則上林之思隴驛。西則武緣之三江。東則賓陽之馬嶺柳峒。南則縣東之八塘五塘。前代皆列防置戍。以禦山寇。上有舊壘。為防剿八寨遺跡。山下

淥里村。屬武緣縣賓州志。南甯府志。所云淥里寇者即此。

白頭山 縣東北百一里。為瞭望要地。

蒼帽嶺 縣東北百一里。秀草茸茸如冠。因名。

鹿鳴山 縣東北百里。林木蓊鬱。中多良材。有百年老幹。未齒斧斤者。唐宋以來。老林惟此僅存。

大夾嶺 縣東北百十二里。七塘驛居其巔。詳關隘。

都茗山（太平寰宇記）在封陵縣西六十里。其山出茶。土人食之。因呼為都茗山。都轄水

案今名西府東案當從府志作八雲江、十里、下同、

六十里。南流入可邏水。元有大石高二丈。遙望魏峨。連延

數里。案今西雲江、出尖峯下、所云大石、即尖峰、（明一統志）都石山。案石為茗之訛在城東六十里。滿山皆石。不產

竹木。「方輿紀要」都石山。在府東六十里。以巖石崔巍而名。其相近北者。曰都茗山。

出茶。(府志)尖山亦曰尖峯。在城東八十里。有石方二三畝。傳爲仙人奕碁石。山腰

飛瀑潺湲。雪花亂濺。

案都茗山、始見宋人寰宇記、明統志、訛茗爲石、顧氏遂岐都茗都石爲二、其云都茗出茶、仍沿寰宇記之文耳、府志既有尖山、並列都茗都石、一山而三名矣、

三岑坳 縣東北八十里。接武鳴縣界。詳關隘。

三岑坳。東折爲七級山。西迤爲馬蟒挺香六望諸山。其南折曰攻珠嶺。七營嶺。石燕山。

以上四塘鄉境

七級山 縣東北八十里。

馬蟒嶺 亦名馬鞍山。縣東北六十里。通武嶋葛墟(世編武緣縣志)嶺南爲宣化界。有小

徑通南甯。

挺香山 縣東北五十里。

六望山 縣東北四十里。

攻珠嶺 縣東北八十里。

七營嶺 縣東北五十里歸仁鋪。北有舊壘。相傳狄武襄駐軍處。

石燕山(金通志)在縣東九十里。(名勝志)山出石燕。天欲雨。則飛出。(採訪)同治間

建塔其上。

自六望山西迤爲高峯嶺。左行爲馬退山。高井嶺。青秀山。豹子石。西行爲望仙坡。入縣城

爲五花嶺。

以上城區及東門鄉境、

高峯嶺(大清一統志)在縣北六十五里。高二百餘丈。周十五里。北接武緣界。山峻而險。(古今圖書集成)北界武緣。山峯陡峻。路徑崎嶇。康熙間。思南協副將王三華。

捐俸募匠修平。 行旅稱便。

（明武緣知縣順德鄧體靜高峯歌）高峯之高高倚大、陡崖徑徑雲中連、鬱鬱暗橋心悚悞、書陰如雨失青天、時有羣鳥鳴樹巔、石齒出路馬難前、澗流泊汨沸笙絃、午餐山寨暫息肩、謔諷父老咸云然、邊氓病痛此最煎、我思不獲誰之愆、乃命上帥鳩庶獮、礪斧淬銜各奪堅、芟刈攘剔盡宏延、鑿石通泉羣力胼、□□十月迴輕烟、介然道路人雲煙、惡木斯拔山花研、行可盡日馬可駢、兇徒欲影如扼咽、從此往來少戈鋌、嗟我力小才淺淺、願得薰風被以延、務農息鬪無索錢、刀劍爲牛□爲弮、使我解帶日食恆便便、

馬退出（明史地理志）宣化縣東有馬退山。（金通志）宣化縣北十五里。（方輿紀要）山勢

趨而復返。如馬之退故名。在邕州北

案原作西今訂正

詳見柳宗元馬退山茅亭記。（府志舊爲八

景之一。題曰退山遠眺。古今圖書集成）柳柳州茅亭處也。謝公之履齒不臨。周王之

車轍不至。一經品題。遂成佳景。置身亭畔。四顧遼廓。若憑虛御風。有其喜洋洋者

矣。（明張岳登馬退山望邕州詩）筍輿穿嶺又高峯、極望關山興不窮、元氣遠浮瀛海外、人家多任萃微中、軟莎黃犢迷烟雨、極浦歸帆逗晚風、兵侵沈銷春畫永、兩江紅樹鬱青葱、（清南寧府教授北流梁大宗馬退遠

眺詩）凭高幾欲跨層巒、馬退山前暫駐鞍、遠岫千重天外出、清皮萬里望中看、忘情不覺乾坤闊、對景方知眼界寬、回首碧霄紅日近、紫霞飛處是長安（副貢縣人唐祿馬對遠眺詩）長嘯山巔立、仙風豁醉懷、舉頭凌碧落、

極目到天涯、

高井嶺 縣東北二十五里二塘驛。登其巔。縣東百數十里。可一望而盡。山半有泉。

青秀山（清統志）縣東二十里。一名泰青峯。（名勝志）與望仙坡相拱揖者。青秀山也。

距城東南十里。

當從統志作二十里

雄奇秀拔。爲邕江之砥障。巖洞相因。出泉甘冽。（金通志

古有三寺。峯頂曰白雲。石佛石鑪猶存。上有仙人插劍石。山腹曰萬壽。臨江曰獨孤

。旁有擲青巖。鑄曰陽明先生過化之地。（圖書集成府志合載）路旁有龜石。相傳晉羅秀

丹成尸解後。人見秀立石上。有履跡。明嘉靖中。僉事鄔閱。刊其石曰駐仙御史。董

傳策謫邕。兵備徐浦。郡守方瑜。爲作洞虛董泉二亭。及白雲精舍。相與登覽。今圯。萬曆間。邑人蕭雲舉建塔其上。曰龍象。又建青山寺。雲圃山房。息機涼雲二亭。

度僧性悟。號歸元上人者主此山。僧嗜酒。勤力作。好種松蘿茶。善於焙治。高人達士。時與交遊。翠竹蒼松。皆其手植。居然勝境。崇禎間。邑人陳瑾。作竹味菴於塔旁。前置舍利。下臨鄰玉泉。石刻蕭文端公詩。明末俱廢。惟寺與塔存。今名青山爲八景之一。題曰青岫。案府志作青秀、今從圖書集成松濤。山有巖有洞。有石有泉。志載之詳矣。而

松濤未及焉。松爲寺僧歸元手植。不翅數千株。清風徐來。宛如琴瑟。或送江帆遠浦。或供幽人枕簟。遊覽其間。心曠神怡。蕭然令人起塵外之想。「明御史華亭董傳策青秀山記」青秀山、故當郡左、去

郭可十里、高不下數十百丈、有上中下三層、廣袤幾數里、厥背負陰、厥面迎陽、厥陰介陸、厥陽臨江、山勢自東南來、連亘西北、迤若蛟蟠、矯若鳳翔、一名鳳頭山、其左有蛟潭、聚大魚、噴潭水有聲、離潭里許爲山麓、游者從中而上、有石級、歷級數仞、一門累石而成、是曰石門、門之上有大巖、里父老緣而屋焉、屋凡三楹、四面皆石、楹可容數十人、巖氣從屋中騰騰上、命之曰烟巖石屋、屋右道狹而峻、有石壁蒙烟蘿、俯眺鬱江、殊清曠、是爲滄嶼蓬瀛、壁旁循級而登、有巖層而窟者、連絡如兩斗、命之曰雙斗巖、其頂平疇一幅、蓋鋪出二里許云、屋左道甚坦、厥石削如屏者、稍聳峻、道上行可三十步、有泉從石中出、清若水晶、甘若露凝、冷泠然晝夜注不舍、村民汲以烹炊、視汲鬱江水硬數倍、游客尤藉醒醒濟渴云、歲辛酉夏、郡守郭君、貳守張君、以余故爲亭其上、余以原泉混混、可喻學有本、命之曰混混亭、未幾分巡兵憲徐君行部至、謂余雅好、清泉口曰董泉、遂更名亭爲董泉亭、刻詩其上、亭下有臺、臺外有池、種蓮、是曰青蓮池、出亭緣土級而登、厥道亦坦、又可頽視諸空濶處、余因自築臺一區、命之曰白雲臺、而徐君復檄郡守方君輩、於臺上構屋三楹、命之爲白雲精舍、鐫其左高石曰青山白雲、右曰海天一覽、余復於精舍中、題榜子曰大空海濶中原界、雲白山青萬里心、寄思也、舍左有片石如劃、爲余試劍石、其孤聳可眺、江者名釣石、從兩石口道上、達平疇者、謂山平衍、若田疇然、蓋積石中獨包曠土、亦一奇也、疇上塊石、疊出、中夾青松數百株、旁種蒼梧、覆口方池上、爰有村民數家巢其腋、宛若仙家、左臥仙人冲退石、印有履迹、俗呼爲仙人履、基方而蹲者、介莓

苔間、題曰松風水月、循疇而登、有古佛寺、寺鐫元人碑記、厥名青山寺、文口剝不可讀、寺右有巖甚奇、命之曰遲仙巖、巖上石乳滴成池、是曰天池、蓋泉脈也、巖頂有洞曰天窟、洞、有門曰元元門、即余鑿□□□綠門側足而上、有石壁一片、厥形平、厥色赤、名之曰天南赤壁、壁鋪平臺、寺出其下、爰登臨而眺、其面五象峯朝焉、天複如蓋、江環如帶、余每坐而心賞其中、郡守因爲作小亭、通四面、余後命之曰浩浩亭、蓋援浩浩其天之義、□□□浩浩恩云、而巡君更題其洞爲洞虛、刻詩扁亭上、亭之下有小巖、峙其左、是曰卷石巖、巖左復有坦途、行人繞出其背、即所謂負陰陞陸者、其東沿途而上、大塊聳然、遙挾岡脊、有古石佛在焉、是爲山額、蓋赤壁爲鼻、寺爲項、平疇爲大腹、而源泉斗巖、夾其雙腰、鬱江圍其四面、厥脈連如貫珠、然以故山不高而秀、水不深而清、較視西北之險峭爲善也、(松潘兵備縣人陳瑾竹味菴前記自注原爲山房)余家青山泰清峯下、半里許、有峯若峨眉、山勢曲抱、水石幽鬱、別一洞天、自塔龍起諸巖、再當□案、大江橫繞其前、山頭峙孤塔、山脚巨石側臥、泉出石罅、甚芳冽、昔余尋泉源得此泉、應屬余、因名粼玉、山腹方平圓整、廣可五丈、修稱之、余買山初得此地、有在家應僧某者、適贊成之、問之無他能、特善種竹、乃作爰舍、供觀音大士、覆屋用茅、堊壁用泥、幕窗用紙、環屋惟栽一味修竹、遂額曰竹味、作卷之明年、竹高於石、風來竹與石觀、雨來石與水鬪、僧曰、是宜閣、乃就菴石作小閣跨之、團團如甕、因以銀甕顏之、竹石相戛、水聲淙淙、菴景之絕奇處、也左方石亦奇、竹稍疎、石稍禿、昔人遺有窪樽、鐫有菴局、蟹掌跡足跡、古榕覆之、據石而飲、以酒住窪中、可以對局消憂、稍東有亭、亭去石不數步、隱隱露竹末中、野梅數株、春時光幹疏花、香雪片片爲梅塢、下爲白蓮池、爲林田、爲蒲溝、爲蒲橋、皆菴前逸景也、周廻闢以青松、池外荒塘二畝、蘆葦紛披、菰蒲菱芡之屬積其內、大有野意、度蒲橋右轉而上、乃有銀甕山房、以竹閉之也、前後皆茶畦、引泉一勺、於山房下植桂、其旁似卓杖而成者、洗鉢滌硯皆宜、旁穿竹徑而下、泉鳴石上、多產九節之蒲、可供採擷、回顧兩巨石橫泉上、若雙闕然、就坳處砌爲山門、菴後爲山嵒、烟雲出沒、松竹隱見、名破雲閣、取唐人松頭穿破雲之句、是宜遠眺、自山腹至路□、小石門一帶、幽徑皆密竹相引、竹味中人取物甚精、用物甚高、於泉取一勺、於室取一斗、於畫取單條、於字取獨幅、於瓶取如膽、於鼎取如拳、小小渦活、儘有意致、僧又精於理竹、且有焚修之意、乃以菴屬之、嘗與逍遙竹下、有客渦菴中談、僧曰謹避其鋒、余曰請參竹、味談者茫然、遂爲菴中一案、(又青山竹味居粼玉泉銘)秦青之東、鬱水之汜、厥石有泉、厥色玉只、蒼雲琅琅、冷光時起、日暖川溶、烟橫氣紫、於有人焉、方漸其齒、泉空且寒、鑑空於底、僧茗供、中冷之比、分餉一壺、竹味如此、(董傳策舟甫泊岸乘輿便登青山詩)九月五日登離江、十月五日來此邦、登臨率爾憩山木、遊攬飄然凌石瀧、赤幹扶疎禽聒聒、白巖蕭颯泉淙淙、揮寫走從蒼莽上、拔劍坐令鯨鼉降、時有清風散烟霧、人無□□開敦龐、白雲飛揚望□極、浩浩春風□□□(又青山紀遊詩)「有引、余以戊午歲晏來邕、時忽早春、遂泛小舟江上、因訪青山之勝、挾人徒策足絕頂、披襟當風、坐汲清冷、爰濯我纓、神怡景會、賦成紀遊一首、貽諸好

遊者、共之、一飛遊絕寥廓、日月忽居諸、歲晏爽幽抱、藉茲春光初、條風薄林影、江水流清渠、暄氣微動、搖、飄然置干旛、沿河乘小艇、晴照鬱以紆、榜人逝煙濤、鳴鳥翻扶疎、俄頃維青山、攬衣起躊躇、舍筏遽登岸、經觀無乃虛、振迅恣瞻眺、乍歷山之硯、牧犢濕其耳、蘿徑遠畦蔬、紛敷榮卉木、騰驥擢莊樸、盤旋憩叢渚、響瀨泳懸魚、往聞鬱江濱、檀欒覆象胥、芳餌麗腴留、垂釣餌羣魚、歷棧羅夾岫、靈境集鸞鶴、石門磬清碧、雉堞盤浮屠、偶逢負薪者、避喧豈溷沮、因之思隱淪、沉寂遁聲譽、劫灰竟何營、孤壘亭丘墟、登茲發深省、俛仰一欷歔、大塊吹噫氣、微茫覺離疏、陰陽迭昏曉、今古成空虛、但令接佳勝、無負此巾練、踟躕等塚、觀游信超摠、撲景闕希聲、遐矚差郎誦、欽脛躡雲躡、澄瞬挹廣除、崔嵬臨蒼莽、平野恍青徐、嶮側徒爲爾、夷曠復自如、結構廠茅茨、懸崖罩几蓮、盪胸羅四溟、列座凌堪輿、青螺暴水綃、玄靄錯璠璣、雨露之所潤、肥蕨甘可茹、漂滉浸莓苔、氛石銷森墟、浮暉靜無垠、乳液融琪姑、厥脈冷然注、精英諒茲儲、道人顧相笑、古有探靈且、珍詭馭鸞驂、履迹雕晶梳、元化若在掌、徙倚瞻比閭、烟爐榜丹岑、修篴覆菑畚、棲霞意自足、奚必仙人居、名人解冥搜、太清洗蟾蜍、習靜澹無爲、斯徒良可與、蹇予造天役、屏捐投嶽嶇、賦質厭機巧、稍喜脫紛拏、境以道爲際、心將時不徂、庶幾娛微賞、安能曳長裾、人徒歡追攀、披鞞談時書、中有虬髯者、風烟爲先祛、白也悅青山、醉鞭華陰驢、撼觸懼神情、形志憐駑驢、飄蓬悠悠爾、吾道從卷舒、炎州驅豹霧、雲氣蒸龍嘘、恒紀邁流電、茂育汝惟余、班荆偕童冠、蕭騷洽進醴、數酌聊沾醉、興適真有餘、汲泉修茗供、冲襟瀨寒滌、長嘯天地寬、慷慨賦歸歎、欣悅悟名理、誰能更拘予、一又奎星岡紀遊詩一崇岡點奎壁、炎精散星堆、崑崙垂一翅、靈秀盤崔嵬、層巒掩霄靄、曲阜蒸烟垓、作客思難任、祇抱林丘懷、暑氣緩消夏、之子欣追陪、涼風披煩襟、疎雨洗氛埃、藉之屏人囂、聊以傾山壑、丹霞簇岑鬱、繡障縈每苔、鳴鳩集灌木、鹿攬豕寢不猜、賓朋罄交歡、今古恣諧談、抗館儼哲匠、瞻眺一徘徊、流光轉衡紀、代明互相催、遺勛遯千載、河漢森昭回、精英諒茲在、嵯峨闔閭開、繫彼局炎熿、奔湍逐喧阗、荆榛委夾巷、赫奕腐草萊、浮沉歛超忽、天壤撥蘆灰、覽睇激孤嘯、抑商聲哀、蕭閒鮮經覲、我馬虺以憊、荒服軫中瘠、翹楚淹良材、傲吏罕所營、飛鳥凌瑤臺、振振錯鞶劍、翩翩溢麝煤、追歡愜心賞、言旋思悠哉、虹渠翻倒景、清漢月華來、翛然響天籟、因之結聖胎、(又遊山篇)一有引、夏月聞家君南來、余喜不自禁、預遲橫槎江上、舟出青山、數友具酌、撫言懷、羲和迭啓、棹轉而北、情見乎辭、一嚴君馳遠道、夙駕迎河津、出郭矚晴霰、晨裝束榜人、良朋菓中逵、因之涉漪淪、沙鷺偃江分、闌鷁盪蒿垠、晤言愜所期、乘興陟華嶠、惠風吹幽崖、炎光散高旻、嘉招羅野錯、歡言酒數巡、蹇步息烟巖、遐眺凌穹辰、捫羅側其足、卷石開嶙峋、古剎橫□□荆扉□□鄰、翻思曠士懷、感茲物化淳、殊域差可觀、况乃悟谷神、虛中湛玄窟、彪外茁丹菌、□□合併量、萬象誰陶鈞、佳者幽澗泉、清冷注江濱、挹之光鑑物、灑之潔潤身、揮頰聲夸談、洗臆傾大真、吾徒既離垢、達觀無罣塵、撫景蔭林木、摩柯倚松筠、嗟伊秉所操、居易亦亨屯、抽緒隸條枚、披磴分玉珉、延覽不知疲、徂景覲宵闈、牛羊夕下

來、樵歌歌續粉、登舟發長嘯、落洲浮朱輪、澄潭口疏網、漉巾烹修鱗、口襟口微響、協泰諾倫、醉來俄成寢、曙星宙耿寅賓、征夫忽方私、獨往行旻旻、慙慙以生愛、瞻依父子親、顧望南北途、徘徊詎富陳（又青山歌）青山高、下峰石插層霄、青山下、江水平鋪村影射、青山小、卷石嶙峋竹啼鳥、青山大、五象星羅吹簫籟、青山晴、波光萬頃盤蛇城、青山雨、烟靄微茫罩松樹、青山風、蛟龍吼怒凌長空、青山月、青螺一點銀盤突、青山暝、漁歌欸乃搖汀滸、青山曉、玉露瀼瀼斷林杪、青山清、一股泉飛石口聲、青山四時嘗不老、遊子天涯覺春好、我惜春色上山來、山花片片迎春開、仙人雲蓋飄亭子、泉水之清洵且美、我愛泉清濯我纓、白雲鳥裊銜杯生、披雲直上崑崙頂、鞭龍一決翻滄溟、却洗塵氛破炎昊、路上行人怨芳草、（又青山風雨同）何李二牛泛舟出橫槎因成口號）春風吹破青山色、春雨茫茫江草碧、江濤湧出白蓮花、沙樹流雲走相射、雲中一榜蓬恢恢、中有仙人天上來、神遊八極那可識、榜聲遙曳天光開、山中居民怪相語、只今江上多風雨、借問郎今渡何處、儂亦從之採蘭去、仙人大笑躺雙瞳、採蘭爾者能相從、吾呼江上南帥為爾掃江雨、吾呼山中風伯為爾驅山風、（又登青山絕頂詩）石壁摩霄古寺橫、嶺雲裊裊樹烟平、層巒野合天無際、松塢春深鳥有聲、江帶數峰朝翠軫、山連百雉斷滄溟、振衣陡覺凌蒼莽、長嘯還驚阮步兵、（又鳳凰巖詩）江鳥昔年傳鸞旛、雲巖今日到蓬萊、摩崖已覺青霄迴、夾岫還疑白石開、花撲口口搖綺樹、風翻幽壑動殷雷、騫騰漫向同吟者、海濶天空任去來、（又青山雜興十首）春風迷日渺蒹葭、村落飄零感物華、試聽老農愁口說、頻年烽火調狼家、古城縹緲射晴濠、經畧當年走智高、戎醜祇今愁絕徼、可堪赤子困錐刀、紈袴驕子擁牙旗、狂寇口獐臥不知、追截恨令奇計失、羈人中夜撫長髯、自注辛酉秋事、點酋供帳擬流官、達舍操戈賈藏乾、詭射熟搖愁口口、軍儲撥濟右江難、自注邕人用此一開拓功成兩伏波、南天不改漢山河、幽棲博得春如許、漫倚孤亭廣力歌、馬退山橫郭郭豪、茅亭曾記柳儀曹、白雲屏落青峰障、自媿無才僕命騷、自注馬退山名、柳子有茅亭記、萬疊晴烟客望孤、鶯花懶逐世情娛、振衣却上雲深處、直北依微是帝都、玄豹深藏澤霧寒、岩巖歷落層層湍、就中應有天書在、聞說皇華訪道難、自注、詔遣兩御史訪丹書、口口南百萬沒妖氛、多難誰憐興化軍、皇極即今籌一統、願持金鑑獻明君、自注、時間聞寇破興化城、朝廷方新一殿、一雲落澄江魚埠津、春深丙穴正愁人、洞天怕有漁郎口、散髮扁舟掣釣綸、（御史仙居吳時來遊青詩）古寺雲邊一徑逢、岩頭高印化人踪、巖岘石勢飛泉上、靈巖城樹色中、秋月半江明法印、疎松十里響元風、美人已結名山約、吟賞還來信宿同、（南寧府同知斬水張貫簡董幼海結屋青山詩）思君避地寄雲山、結宇心期偶未還、直節每勤驄馬問、野心惟向白鷗閒、揚雄元閣探奇裡、謝眺青山覽勝間、遙望翠微思指点、肯容騎馬到驢壇、（陳瑾青山廢寺覽古詩）石壁題名遍、雲封古磴斜、蜂銜爭嫩蕊、鹿臥藉寒花、水碓猶春雪、松房半宿霞、巖前僧定處、占作野人家、（又青山寺同友護梅詩）屋角吹香細、孤清却易撓、世應憐未入、禪亦愧能逃、月夕坐無倦、水邊吟獨勞、欲裁高士傳、不是慰牢騷、（又山房晚坐詩）磻戶延山影、參差印水漬、葉封曾到月、花宿舊屯雲、十步溪迴折、千林響續紛、微微清籟發

散履亂松紋、（臨相知縣縣人朱紹昌青山苦雨詩）山寺連朝雨、深江六月濤、雲依松徑午、夢冷石牀高、淪茗疏泉脉、呼魚進野觴、一龕人外想、光影定中牢、（又舟過青秀山歸元上人詩）躡石驅雲背、雲行山忽高、遠帆懸榻影、松吹落江濤、齋罷僧廚寂、庭空過客勞、移時驚別恨、春滿舊溪桃、（釋如芝遊青秀山詩）巍然江畔寺、形勝甲南州、塔向簷前立、泉從檻外流、花間聞犬吠、竹裡有人遊、爲探陽明洞、扳藤上石樓、（禮部右侍郎侯官曹學佺題陳白岳竹味山房詩）游神向太清、羣峯在其下、自有此山來、誰爲長住者、（自注、泰青峯、一欲探世外趣、問取庵中僧、解種千頭竹、其餘一不能、）自注、竹味庵、一山房少結構、團圞似銀甕、甕中貯白雲、片片堪拈弄、（自注、銀甕山房一、泉甘自宜淪、沙淺仍可掬、幽人坐飲之、一飽淡無欲、）自注、瓠玉泉一、春來種一石、秋還釀幾斗、不有彭澤田、焉取步兵酒、（自注、秋田、）九節何當託、雙溝垂欲盡、流泉春射間、幾迴亂還整、（自注、菖浦溝一、茗生畦圃內、勝自遠方致、若逢桑苧翁、品不在三四、）自注、茶畦一、片石爲碁局、山僧共手談、此中迷悟境、不許二門參、（自注、碁局仙跡石）（禮部侍郎縣人潘琪秋日游青山詩）夢裏青山不記年、依然塔令倚江天、秋臨遠岫層層霽、路入蒼松步步泉、茗筍漸凋僧去寺、水雲無恙鳥歸禪、東林一別衰如此、元度空懷半偈緣、（清河池學正、縣人劉神清青秀松濤詩）青峯拂翠處、望際若奔濤、不解蒼松下、頻驚白浪高、波從天外瀉、韻向樹間滔、岸湄濃陰裡、蕭疎興倍豪、（梁天宗青秀松濤詩）青山佳致壓羣峯、更有亭亭萬樹松、日映紅波浮白鶴、風迎綠浪捲蒼龍、洗心似聽琴中曲、喧耳如聞夜半鐘、任是狂瀾雲靜後、一堅操不改、舊時容、

豹子石（府志）在城南十里。以形似得名。下臨大江。遇漲。其勢湍激。

望仙坡（明史地理志）宣化縣東。有望仙坡。（金通志）在宣化縣北一里。與青羅二山相

對（力輿勝覽）在城北。原作東誤與羅秀山相對。故名望仙坡。宋皇祐間。狄青、孫沔、余

靖、南征。駐師於此。後郡守陶弼、因建三公祠其上（府志）後懷忠祠祀。因移祀蘇緘

於內。又益以王守仁蟒吉圖、爲六公祠。明崇禎初。同知劉光宇。又建玉皇閣、魁星

樓。爲八景之一。題曰仙坡懷古。（古今圖書集成）坡去城里許。邕之主山也。昔人建

六公祠其上。每歲清明踏青。重九登高。邕之少長暨四方過客。載酒讌集。憑高眺遠

。想崑崙北鎖。銅柱南標。不勝弔古興懷之感。

（明朱紹昌晚秋登望仙閣詩）嚴城偶出半扉開。一路寒烟醉草萊。野鳥尋花啼廢宅。長松帶雨

過荒臺、憑高易感興衰事、觸景同傷詠眺才、歸思欲呼樽酒豁、北邙晚吹起紅埃、（又晚秋同陳白岳邀集望仙坡詩）雁影逼天高、郊原曠以肅、佳節何時去、追賞聊云續、高人眷秋爽、老至興彌篤、緩步挹蛩音、悲歡隨所觸、洵美雖吾土、十年幾眺矚、山川喜故人、不在周旋熟、巒光面面來、塔影蕭蕭矗、野燒紗寒烟、荒村繞屨竹、遙見沙鷗起、素練飛一曲、回首故城陰、滄桑驚心目、北邙多舊識、采藻莫奇骨、干戈未云已、浮生苦行予、崑崙萬疊青、銅柱千秋兀、憑弔嘗睥睨、憚心今斷服、樽酒對秋山、天風快草木、百年曾幾日、長茲一醉足、（清拔貢順德黎簡望仙坡最高樓詩）在眼山川故國情、崑崙寒翠古邕城、短長道路供離別、少壯交遊半死生、雲色黃茅秋瘴盡、沙光碧玉暮山清、平安郡邑南征後、偶問途人不說兵、（又出北郭至望仙坡詩）北郭風花遠、野香空處飛、偶然入小雨、不覺濕春衣、久客足遙望、古臺橫落暉、臺高一峯頂、人立四山圍、（又復題望仙坡詩）野色江光瀕洞浮、春波春草接汀洲、四天風雨趨平楚、一郡雲山共此樓、（陰景似吹二里霧、邊寒猶襲七斤裘、桃花作飯梨花酒、白骨青山未首邱、（註）是多客寄之樞、

五花嶺（大清一統志）發自望仙坡。分爲五支。蜿蜒入城。（名勝志）分脈微茫。突起五阜

。伏城內外。一府治。一儒學。一城隍廟。一今縣治。一天寧寺。在城西僅百步。較之街市。或高一丈。或二尺。或七八尺。氣脈融結。有如五花。故名。

自高峯嶺迤南。爲界牌山。石痕嶺。羅秀山。感頂嶺。慶獅嶺。迎秀山。又西爲甘峒隘。玉

屏山。以上必墟鄉境

界牌山 縣北三十五里。

石痕嶺 縣北三十八里。通武鳴伊嶺。

羅秀山（大清一統志）縣北二十里。其山高峻。俯瞰城北湖。案北湖俗名銅鼓陂上有羅潭。亦曰羅

山。（方輿紀要）在州西。昔晉羅秀隱於此。後仙去。（古今圖書集成）與青秀山相峙。

高擁南城。俯瞰北湖。上有北寺龍潭。遇早祈禱輒應。飛瀑從山巔來。寺之前有澗。

石畔有泉有亭。有飛來鐘。石上有羅大仙足跡。旭日朝霞。閃灼於蒼松古柏間。今梵剝雖存。而松木則無矣。（府志）爲八景之一。題曰羅峯曉霞。（古今圖書集成）峯列仙坡之西。與青山拱揖。旭日凝烟。霞光散彩。亦邕州勝概也。

（明董傳策羅秀山遊記）邕巨麗、蓋稱青羅二山、青山在

郡東南濱江、而介通衢、羅山獨竊然峙其西北、其名秀、蓋以道人羅秀、曾居山中煉攝故、余得數數出青山遊、顧獨羅山闕遊焉、乃歲辛酉夏五月、維閏赤符、屆時羲和弭節、客有峨然冠、廓然衿者、羣造謂曰、若胡乃蕭蕭杜門作旅人、盍往寄勝情、諸衆請肅徒戒觴、徯若羅秀之墟、余笑而應曰時哉、記稱居高明、遠眺望、升山陵、謂茲時哉、迺約浹辰辛丑維期、及期、余晨乘竹兜子、出城西門、偕客閱演武亭和壁閣詩、隨逾橫塘而北、竹脩景方陰、歎暑斬滌、霞明江岸、霧起山峯、乘涼行數里、越心墟村、薰風徐來、警忽日晃晃赤、林際遙聽馬蕭蕭鳴、望之人簇簇立、至則客裁而冠、廓而衿者、楹觴久待矣、遂相推策而進、無何抵山麓、麓有方塘、名曰天池、循麓而登、古廢寺基在焉、有墉塌臥草間、又循而登、爰覩一寺、輪煥新飭、彤鬚宛然、佛儼顏坐上座、其而臨陽、殊爽塏、前抱一亭、青松森夾馳道、白雲飛揚、島踰踰鳴不止、殊有幽致焉、乃推弈秋之枰、飢廉頗之飯、啜茗而登、俄見翠微中、突一青塢、旁值柚奈橄欖諸棗木、長林豐草、爰情載幽、復有闌塌蘚苔間、丹龜微茫、羅生安在、時則今古交懷、而繫彌據興矣、于是客善奕者、方更角奕、而余獨與客養登者登其巔、覽陸離之光、蒐滄嶼之概、樹曖霏微、特色靡辨、客且左右顧、具爲指點、□觀青山當其面、奎岡挾其腋、衆山環立其旁、而郡城郭雄據中界、厥勢面青而背羅、襟帶鬱江爲池、隱然成雄觀云、余迺南瞻銅柱、則高伏波之勳、東眺崑崙、則大武襄之畧、倏然拊髀起曰、嗟乎、自非曠士懷、登茲翻百憂、然哉然哉、衆嘻而下、少憩綠陰中、更啜清茗一盃、席地布几筵、摘林巔橄欖餐之、人懷一枚、已而客角奕者、從崎徑上道、設酒核傳盃交歡、酒二行起、復入前寺、縱觀交洞、時大風飄發、松颯颯響谷外、客顧余笑曰、朝來密雲不雨、今風動哉、于是爲黃鵠之歌、而余與客故善歌者、復倚歌而和之、其辭曰、黃鵠一舉兮絕層林、又曰、山高兮水深、松風坎雨兮龍吟、俄雨□注、田疇霑足、村叟走羅拜曰、久苦旱不雨、今幸奇人士帶雨來、村叟有造矣、已而雲收雨歇、顧望烟翠騰林、萑蒸淨洗、風前互詠、光霽悠然、衆相顧謂余曰、遊樂乎、余曰、陶性靈、宣幽滯、聚而不怵邇、而不偏、樂乎哉、乃若覩雲物而興思、撫義顯而稽志、將其懷矣、奚暇樂、夫樂不羈山、懷不依山、山乎山乎、若又安所得樂乎、客問青羅疇勝、曰、青曠而雅、厥眺維江、羅岑而幽、厥眺爲陸、夫羅山者、松森森、青梵宇耳、青山有岩若泉、面江面帶郭、愛青山者人情乎、雖然、勝不在山水、在游山水人、故山非能勝也、人好游山者勝之、又曰、山有色有象、青樓色、羅樓象、山之較致也、故山不擇壤

、爰就其高、水不擇流、爰造其深、夫人有包羅萬象之懷、以覽觀山之青青者、又奚平乎、青、羅、同遊客爲韶郡守陳公、善談元、羅浮山人劉君善詩、鄉進士朱子陳子、俱善歌奕、衛將軍王侯善飯、記之者遷客董生也、蓋無一善狀焉、（宋陶弼寄羅秀山嵩禪師詩）尋幽入羅秀、旋結草堂居、花露生瓶水、松山落山書、間猿山句後、見月出行初、此夕雲林下、無因夢使車、（又董傳策羅山紀遊限韻三首）藍輿迢遞躡雲林、碧落霏微散午陰、羅竇拂衣開島道、松風披雨動龍吟、丹崖青壁山中景、竹杖芒鞋山外心、烟竈不堪迷古剎、誰憑山谷問升沉、炎岡岑鬱俯塵寰、梵山于松青羅秀山、怪我好遊頻山景、憑人濟勝一開顏、雲飛石棧山峯山、風散林烟萬壑間、懷古却看迷望處、遙憐銅柱山南蠻、雨餘烟翠濕空林、萬樹扶疎斷夕陰、野曠居人迷豹迹、風高遊子亂猿吟、上方寥廓摩鍾蝨、下界微芒辯佛心、歸路恍疑光震在、相看天際月沉沉、（陳瑾羅秀山紀遊詩）一有引、志云、羅山高擁南城、俯瞰北湖、其上有北市龍潭、今攷其山、奇秀甲一郡、鐘靈毓山、氣象開郎、白塔青山、峙左而捍下關、五象天馬、列前而作朝案、平田引雙溪以環外戶、舊寺伸兩臂以護內堂、朝暾夕照、秀色祥光、可餐可挹、洵邕管之神墟、嶠南之福地也、且地靈人傑、仙佛同山、在晉則葛洪覓丹砂、而山跡俱存、在唐則慧昕開山、而佛宇齊煥、宋朝則嵩山駐錫、而粉曇兆瑞于豐年、元季則覺生重山而金地大興于功德、故跡雖湮、豐碑可攷、其入明法席愈盛、千舫洪鐘、鑄十永樂年間、萬棟精監、創于成弘盛際、五百僧過堂、粥飯之緣不乏、七祖掩室、再來之讖必符、迄于今靈濟高塔、一燈猶然、羅秀再爐、伏火尙熱、聖跡奇踪、尤非他山所有也、山旁左右、尙有感果寺、明天寺淥樓祠、龍門龍潭諸景、指不勝屈、另詳之、千峯變紫入遙林、禪室枝燈向夕陰、僧未閉關容小飲、時方休暇得長吟、品題泉石疲雙眼、位置青山役片心、莫放痴憨還山癖、任教雅俗判升沉、（朱紹鼎遊羅秀山二首）芙蓉秀疊半龕懸、靈跡猶傳葛稚川、偶見鹿眠疑藥圃、因聞龍化探瑤泉、碑橫宿莽凝烟碧、徑積新楓帶露鮮、卜築欲尋山下宅、鼎邊妄意夙生緣、仙子何年跨彩鸞、千春想像萬峯盤、粉曇香散琼香杳、丹竈烟消玉濯寒、信步樵柯紅日晚、放懷樽酒餞秋殘、風塵是處如蠻觸、自倚紅霞一笑看、（清縣舉人賴廷宣羅峰曉霞詩）羅峯縹緲靄朝暉、歷亂山聲帶露晞、古寺光含花閃閃、平疇望隔樹依依、宛疑碧落開丹竈、正爾彤雲擁翠微、憶自仙人乘鶴去、年年芳草護禪扉、

感頂嶺（府志）在城北二十里。旁有感果寺。因名。龍門溪環繞其下。一名龍門山。

慶獅嶺（又）縣北二十五里。

迎秀山（又）城北十三里。相來有飛來寺。今無存。

苦竹山（方輿紀要）縣西北三十里。（名勝志）多產苦竹。

甘峒 縣西北四十里。

玉屏山 縣西北五十里。山腹有洞。

自玉屏山西出。爲洪水嶺。鐙山。南折爲銀甕嶺。聖嶺。獅子石。負金山。又西爲土座八公諸山。極武緣江口而止。以上石步墀 落兩鄉境此封陵之幹也。

洪水嶺 (府志) 縣西北七十五里。

鐙山 縣西北七十八里。

銀甕嶺 (古今圖書集成) 銀甕嶺。在府境。案宋邕山 帥府也亦石九芝山。昔有仙人處山巖。煉丹

既成而去。遺此甕。人上山觀之則失其處。及下瞻望則復見。(採訪) 今名銀甕嶺。在

縣西六十里。登其嶺。邕武諸山。歷歷在目。上有方池。廣數十畝。土人斥爲田焉。

聖嶺 (名勝志) 縣西三十里。當作四 十里峯巒秀聳。雲鎖其巔。則雨立至。(採訪) 與鷄籠山隔

江對峙。

獅子石 (府志) 城西北五十里。形似也。(採訪) 與虎頭嶺隔江相望。

負金山 (北戶錄) 郎寧有負金山。石皆青黑。其頂石穴。狀若馬蹏。水深尺餘。郡中童

子初學書。必投硯穴中。然後汲以研墨。土人呼爲右軍硯池也。(採訪) 今土人呼爲金

銀嶺。在縣西七十里。

土座嶺 縣西北二十四里。

大被嶺 縣西北六十里。

隴思山 縣西北七十里。

三潮山 縣西北七十五里。

高城山 縣西北百里。

八公山 縣西北百一里。

羅鋪山 縣西北百二十里。

都籠之幹。自同正入縣西境。起頂曰蓬樓山。北出爲嘯風峽。南行爲三帽嶺。

都籠山（太平寰宇記）在府西北

案宋邕州帥府也

九十里。周圍二百四十里。連大山石壁。內平外

險。土人號爲都籠山。

案俗又稱爲駝陵爲馱靈

（一統志）蜿蜒起伏。勢若遊龍。遠近諸山。皆相映帶

。（探訪）縣西一百四十里。今名蓬樓山。

嘯風峽 縣西百四十里。爲邕隆界山。甘溪出焉。

三帽嶺 縣西百四十里。楞溪出焉。

三帽嶺。又歧而二。左爲谷丹緣裳諸山。右爲白面石魚諸山。各抵左右江岸而止。此都籠之幹也。於三幹中爲最短。以上壇落鄉境

谷丹山 縣西一百三十里。

麟洞 縣西百一里。洞三重。中多奇石。耐人玩賞。且皆透光。可容數百人。咸同間。

鄉人結壘於此避寇。

綠裳山 縣西一百二十里。上有土阜。相傳有人遠戍不歸。其女綠裳者。念父無已時。

倚阜望之。又名望親台。

南鞭山 縣西一百二十里。入隆安。爲梅龜嶺。下臨右江。地極險阻。

白面山（清一統志）白虎山。永康州東今同正縣城十里。（金通志）一名白面山。

巖赤山 縣西九十里。有赤石。

隴羅山 縣西八十八里。一名梅花山。產畫眉鳥。

達摩山 縣西八十五里。

雷井山 縣西八十里。白面以下諸山。爲邕寧扶南同正天然之界

石魚山（府志）城西六十里。

案當作七十里

瀕左江。灘下有石壁。厥狀如魚。（採訪）今名魚影灘。

### 苟扇之幹

苟扇之幹。走八尺江以南者爲主幹。走八尺江以北如和水以南者。爲如和山一小幹。走如和水以北者。爲饒鈹山一小幹。

饒鈹山小幹。自扶南入縣西南境稍南。石山錯午。巖洞幽邃。其著名者曰洞天岩。曰龍巖。

以上遷龍鄉境

傘嶺 又名大藥嶺。縣西南里里。緜亘數十里。水南北分流。入邕扶界。水性冷。飲之

振齒。嶺半石壁。時時發光。

馬興山 縣西南白里。突起數峯。如馬之昂其首。故名。

洞大巖（府志）城西南百一里。與龍巖近。豁然開朗。可坐萬人。堂階屏壁畢具。後洞尤方整。明舉人顏全仁鑄有詩額。

龍巖（又）城西南白二十里。石壁屏列。遊人秉燭入洞。不數武而光明。中有石滑澤者。曰龍眠。有清泉曰龍池。清明重九。遊人最盛。【採訪】今名第一洞天。

自傘嶺東南出爲雙頂嶺。銀嶺。北行爲界牌嶺。又東北行爲大茶山。平莊鑄鉞玉馬紅花諸山。  
以上吳村石埠亭子三鄉境

雙頂嶺 縣西南八十里。雙峯壁立。如雙螺然。

銀嶺 縣西南七十五里。頗高峻。如蓮花將放。有銀礦。

界牌嶺 縣西南百里。界扶南與大藥嶺連綴。

東西北三面。均屬邕境。

大茶山 縣西南六十里。十產佳茗。葉大味甘。煮茗旬日氣味不變。

鑄鉞山 (府志) 城西北 案當作西南 四十五里。山下有龍潭。流出大江。時有烈風大雨。俗傳

龍歸祭祖。(採訪) 山產鉛銻。與聖嶺相對。有舊壘二。傳爲明末戰場。

紅花嶺 又名紅花隴。與鑄鉞山相對。產煤鉛諸礦。

綠牛嶺 (府志) 在城西四十里。產黑鉛。(採訪) 今名綠爛嶺。

平莊山 縣西南五十里。秀草蒙茸。蒼翠欲滴。

玉馬嶺 縣西南四十里。山峽中有石如馬。十人名爲玉馬。如和水潑繞其下。

五馬嶺 縣南十五里。中隔如和水。與五象遙遙相對。

龜山 縣南十里。如和水環其下。水涯大石。作龜甲皴裂紋。俗稱龜背嶺。又稱煙墩嶺。

仙降山 縣西三十里。一名盧仙嶺。與虎頭山。金頭嶺。並當大江之曲。

其自界牌北走。爲麒麟山、壘黃、南翔、鷄籠諸山。以上石埒楊美兩鄉境 此鑄鉞山小幹之大畧也。

麒麟山 縣西七十里。

穀母嶺 縣西六十里。有穀母祠。

雞籠山 (府志) 在城西六十里。近三江口。孤根特起。籠罩一切。

南翔峒 縣西六十里。

壘黃嶺 縣西七十里。

雷峯 縣西七十里。山腰有巖。前瞰大江。遊人每攜小舸。容與中流。沙鷗錦鱗。了不畏避。

青坡 縣西七十里。青草綿芊。寒冬不改。爲禱雨處。

獨山 縣西百里。亭亭玉立。秀削可愛。下有蓬萊祠。有清泉。

如和山小幹。自上思入境。東出爲慕祖馬競諸山。東北行。爲南覽山、天照嶺。

如和山 (元和郡縣圖志) 如和縣。因縣西南四十里如和山爲名。(元豐九域志) 宣化有如和

山。案輿地廣記文獻通考同(採訪) 縣西南百五十里。今名功高嶺。互邕上綏界上。與上思之排陽十

萬諸峯。遙相呼應。

慕祖嶺 縣西南百五十里如和山東十五里。有泉空溢。灌溉頗廣。

疊柱嶺 又名雷社嶺。接慕祖嶺。上有會仙洞。深可七八尺。長三仗。道光末。縣人張

世顯，造清風寺於洞前。

馬競嶺 縣西南百六十里。羣峯奔放。如萬馬騰蹕。

南覽山 縣西南百二十里。

天照嶺 縣西南百里。

古覽山 縣西南百里。

普樓嶺 縣西南百一里。

雷門山 縣西南百一里。

疊良百 縣南百里。高聳入雲。俯視衆峯皆小。

上有榕巖。老榕數株。亭亭如蓋。有諫議大夫祠。蓋祠唐諫讓大夫欽江寧悌原也。

登龍嶺 縣南九十里。邕欽驛道所經。

南坂嶺 縣南九十里。亦邕欽驛道所經。皆傾欹不平。北端崩橋坳。尤逼仄焉。

自天照嶺折而北。爲壘督諸。以上遷龍鄉境過石門限。爲潭泊嶺。吳村鄉境東出爲馱良山。邪馬鄉境東北出爲

織女峯。鑰嶺。吳村鄉境三台山。那馬鄉境

壘督嶺 縣南百里。勢頗聳拔。有方石在其巔。

巴博山 縣南百里。山石參錯。氣勢旁魄。有回龍巖。(府志)回龍巖在城西南百里。下有龍潭。水甚清澈。歲旱祈雨之所。

巴西山 (又) 縣西南百里。勢亦峻峭。石洞足容千人。咸同赭寇之亂。村人於此築城自保。有泉。

潭泊嶺 (又) 又名潭白嶺。縣南八十里。高與雷良埒。而大則過之。

馱良山 (又) 縣南八十里。明太傅蕭雲舉墓道在焉。八尺江環流其下。

織女峯 (又) 縣南七十里。石壁臨流。隔江與石牛峯相映。邕欽驛道出此。

鑰嶺 (又) 縣南七十里。爲諸鄉鎖鑰。高三百丈。其西嵯峨懸陡。勢不可攀。上亦有池。

久旱不竭。(府志)鑰嶺。城南九十里。爲諸鄉發脈。崇峻特起。案府志里數發脈俱誤、

三台山（又）城南五十里。三峯鼎峙。上接三台。（採訪）有木棉峽。長十餘里。爲邕欽間道。

三十六曲（又）爲邕欽間道。與木棉峽並稱阨塞。縣南五十五里。

將軍山（又）縣東南六十五里。突起於八尺江北岸。康熙十八年七月。鎮南將軍莽依圖。將軍覺羅舒恕，額楚等。擊破吳世琮處。

又自鑰嶺北行。爲石人嶺。紅坭嶺。吳村至盤龍山。歧而二。北爲五象嶺。三疊石。上亭子。東爲

大雅慕堯諸山。蒲津。抵八尺江。入鬱江而盡。此如和山之小幹也。

石人嶺 縣南五十里。又名獅子嶺。石壁高十餘丈。佝僂如南極老人。鄉人稱爲壽星峯

紅坭嶺 縣南二十五里。與石人嶺並爲欽上綏驛道。咸豐二年八月。吳村賊由此犯縣城。據亭子墟。

盤龍山（府志）在城南十里。當作十五里。山勢天矯。曲折百盤。龍之象也。喬木參天。清泉穿

石。舊爲壇僚村。明季居人始徙山外。（採訪）萬山叢雜。中有分茅峽最險。相傳永曆時。屯兵於此以拒清兵。故村爲之徙。

五象嶺（方輿紀要）高白千丈。（府志）武號山。在城南十里。山勢雄峻。拱向城郭。爲邕之砥障。五峯相倚。如五象飲江。一名五象嶺。爲八景之一。題曰象嶺煙嵐。（古今圖書集成）嶺爲郡之南屏。伏如象形者五。遂以名焉。向晚而嵐開。薄暮而煙起。山之隱見。莫不因其變幻。登南樓而覽勝。覺神爽之欲飛。（史畧）清康熙十八年。將軍莽伊圖。大敗吳三桂將世綜於此。

三疊石（府志）至城南十里。與豹子石隔江相對。石有三疊。高闊二丈餘。

大雅山【又】縣南一十里。

羅古嶺【又】縣東南二十里。

長嶺【又】縣東南五十里。

慕堯嶺【又】縣東南五十里。

至若磊落百排諸山。亦苟扇歧出之小支。

磊落山 縣西南二百二十里。與冪黑大華二山。皆自上思帳幙山北迤。即以爲界。高與

煉心山齊。山西通上思平吉市。松柏夾道。數百年以上物也。

冪黑山 縣西南二百里。縣延數十里。俗名山子峒。中饒竹木。三官諸鄉竹器。多取給

於此。一名廟堂山。

大華山 縣西南百八十里。嶮峻矗立。峭崿齊雲。

高頭嶺 縣西南百八十里。亦界上思。俗名山子峒。又有界牌嶺。在其東南二十里。

定鎮山 縣西南百五十里。雲際孤標。翹然奇絕。

果隆山 縣西南百六十里。通上思要道。絕磴懸梯。行者苦之。

百排山 縣西南百六十里。與望煥嶺連接。數峯排列。有若班聯。

苟扇主幹入境。首起煉心山。三官嶺。東南行。爲大彎弓諸嶺。

煉心山 縣西南二百四十里。爲邕欽上思界。山西通上思大吉卡。南扼欽縣貴台。盛產

竹木白藤。竹可製紙。疑名叢心山。又名大吉山。古安京山也。（隋書地理志）寧越郡

安京縣。有羅浮山。（元和郡縣圖志）安京縣。羅浮山。縣北十里。

案十字上當有數字

俗傳似循

州今廣東惠陽縣羅浮山。因以名之。

案（元和志）唐武德五年、析欽州安京縣、置如和縣、景雲中、割屬邕州、今三宮鎮、爲如和舊壤、故安京山、在安京如和二縣之間也、（九

域志）欽州安遠縣。

案宋改安京縣爲安遠、

有安京山。

（輿地紀勝）羅浮山。在欽州安遠縣。

案今欽州治、西

北六十五里。即安京山。（方輿紀要）安京山。欽州西北八十里。峯巒峭拔。岡脈綿遠。

如惠州羅浮。或謂之西羅浮。隋志安經縣。有羅浮山即此。又漁洪江。

案漁洪江西源大寺江也

出安

京山之陽。（古今圖書集成）羅浮山。本安京山。遠接廣西宣化胡公山。羅浮水出焉。

案（廉州府志）以欽州新立鄉麓撒山、爲安京山、謂脉自銅魚山來者誤、

（府志）大吉山。即隄心山。在上思城東八十里。巍峨特

出。明宏治間。知州羅環閱山立大吉卡。（平桂紀畧）咸豐六年三月。流寇據上思州。

官軍進攻。團總磨現瓊。連破隄心山賊壘。遂克上思州城。

三官嶺 縣西南二百三十里。距煉心山二十里。有九曲坳。自欽縣貴台來者。必經此山

南麓各村。舊爲黎峒。明代三官土副巡檢劉氏。建牙其地。雍正七年。革土舍。改置

巡檢署於南曉墟。遺址猶存。宣統間。提督龍濟光。於南麓南悟村築礮台。以扼欽寇

。村旁有上思鹽務卡。

大彎弓嶺 縣南二百里。爲防城欽縣來邕孔道。山勢盤屈十餘里。迴環如張弓。故有大

小彎弓之號。

感懷嶺 縣南二百十里。舊爲馬峒最高之山。

中流嶺 縣南二百四十里。黎峒馬峒於此中分。

綠屑嶺 縣南二百二十里。有葫蘆坳。通欽縣小董。

三寨山 縣南二百三十里。有那剝屯餘二洞。通欽縣羅蒙墟。

佛子黎坳 縣南二百四十里。又名羅傘山。入欽縣大寺墟。

望海嶺 縣南二百五十里。邕欽界山。每當晴霽。可望南海。白痕一片。恍與天齊。

古巒嶺 一名三桎山。一名高巒嶺。縣南二百二十里。產鉄力紅椽白椽等木。紋理堅緻

。並產銀礦。（邑布衣唐毓驪過高巒嶺詩）聽說山中路、迴環百里遙、行來渾不覺、竟爾到屠霄、躡足豐高

出前  
途、

白蘭隘 又名銅鼓嶺。與古巒綿綴數十里。亦邕欽界山。

自三官嶺東北行。爲達礫山。火樓嶺。南折爲花樓壘綠諸山。

達礫山 縣南百八十里。山東有達庄村畫樓鍾龍兩峯。環拱其前。達溪濛洄其下。有雙

峯草堂。廣州詩人黎簡讀書處。詳古蹟。

火樓嶺 縣南百五十里。有石長數里。綿延不絕。俗號石龍。

畫樓山 縣南百八十里。又名花樓。層巒聳翠。望之如雕樓畫閣。南麓有巖。方十餘丈

。可坐千人。號曰石室。巖泉下滴成溪。桃花洞口。疑是武陵。每當重三重午重九。

遊人如織。

鍾龍嶺 縣南百九十里。雨後山澗直瀉。頓成瀑布。山下龍潭。不知幾何尋丈。

大王山 縣南二百里。光緒間。提督龍濟光築礮台其上。

疊綠山 縣南二百二十里。山有圓頂。瞻望易識。兩溪環流。

主幹自火樓連綴爲三岔嶺。東南矗立爲獅山。

三岔嶺 縣南百五十里。又名黃楞嶺。橫亘數里。如屏障。

獅山 縣南百七十里。厥狀如獅。作攫拏之勢。高峻無匹。登其頂遠望。青山龍象塔。隱

約可見。

敦王山（府志）縣南百八十里。林木蔽天。通欽廉。達海澨。廣博無際。產鉄力木。毛茶。  
（採訪）與獅山相連。上有石門之勝。又南迤盤結爲龍拱山。案敦王山、即獅山。府志分爲二也、

其自火樓東北行者爲羅浮嶺。龍行嶺。偏西爲鳳凰嶺。徘徊嶺。又自鳳凰東北行爲定

止嶺。以上三官鎮境更北至南雅嶺。抵八尺江岸。以上那馬鄉境

羅浮嶺 縣南百二十里

營盤嶺 縣南百五十里。平地突起。高百餘丈。同治閒。左江兵備鄱陽王達材。平土寇。結營於此。其南爲夏蒲嶺。青草縣芋。秀削可愛。達材嘗與賓佐。登臨觴咏焉。

龍行嶺 縣南八十里。雙峯屹立。凌摹絳霄。登峯造極。目窮千里。爲鄉勇哨守地。北迤爲功敏嶺。林木雜錯。伏莽潛滋。

石神嶺 一名鳳凰嶺。又名南樂山。縣南百三十里。上有石神墓。西南有盧仙嶺。傳爲盧真人修真處。

徘徊山 小山也。回環屈折。八尺江繞其下。

定止嶺 縣南百一里。大石寬平如鏡。長二十餘方。傳爲仙人奕棋石。又突出爲回漳嶺。下有獨石潭。與隔江南駕山。回抱而成。

錦琶嶺 縣南百里。

南架山 縣南九十里。隔江與定止嶺對峙。疊嶺重岡。林木葱鬱。下有穹窿灘。

鸞膠嶺 縣南九十里。一名賴游山。

貓嶺 縣南八十五里。土人名壘貓。即貓嶺也。常爲盜藪。

南雅嶺 縣南八十里。

主幹自三岔嶺東北行。起花甲山。南迤為河陽諸山。又東出為上坦嶺。雷公巖。茶山。十五

山是。界靈山。入靈山。復入境。突起岳山。西折為銅魚山。是界欽縣。以上三官鎮境

花甲山 縣南百五十里。峯曰甲峯。巖曰甲巖。可容千餘人。中祀飛龍之神。供古銅爐

一。巡檢仇開倬攜去矣。巖距絕壁。有懸石曰犢鼻。登者須猿攀以過。始達其嶺。巖硝平。有石鼓一。鑿通其中。旱時鄉人蒙鼓以豕皮。擊以祈雨。云有奇應。端午日。遊者如雲。南接者曰佳龍山。一作稼號山。

福海山 縣南白七十里。又名鴉王山。一作水滴巖。山有石筍二。森列如象牙。

河陽山 縣南百七十五里。山勢雄偉。周四五十里。有寧諫議祠。其南與河陽等。高者

曰羅艾山。谷口長十餘里。又南為東包坳。頗險峻。入欽縣曰崎嶇山。山下有新鋪崎嶇那鳥諸村。盜常藪其中。咸豐土寇之亂。芽孽於此。

上坦嶺 縣南百八十里。南麓陡絕。(靈山志)作六十巖。

雷巖 即雷公巖。縣百八十里。為欽靈入邕之孔道。起五峯。曰堆霧、曰藥蘭、曰斑衣

曰叢林、曰井寥。有亭。今廢。(清黎簡雷公巖詩)昨行藥山道、今過雷公巖、崩雷列陡壁、呀石遙巖、

磬、雨氣隨叢杉、黑雲下塞淵、輾輾如稽黠、失足落萬丈、鬼國衆妖饒、禿樹縵古蘿、毛髮青髯影、終歲幾客

過、不蹶山神監、毒茅得虎矢、蛞蝓交槍櫬、迴視滄夕瘴、其氣成朱藍、在心湧為虐、出口窒屢緘、今夕何處

茶山 (府志)在城南百七十里。接欽州靈山界。聳拔蟬聯。所產材木。不可勝用。(古

今圖書集成)在靈山縣西二百二十里。其山產茶。與廣西宣化接連。一面屬靈山。一

面屬宣化。

十五山 西接茶山。延數十里。起十五峯。重巒疊嶂●林箐邃密。盜賊所巢。爲邕欽靈巨害。

藥山 縣南百九十里。前知縣濞里柳際清。行部過此。以擬皖之濞山。爲改名小岳山。

有記。與銅魚嶺並峙。而高峻過之。圖頂如蓋。上摩霄漢。南端突成牯牛峯。北麓有

藥山村。邑先達馮贊勳。與兄建勳讀書處。(清黎簡藥山詩呈雷文熾先生) 叢標掩天黑、洶湧晚雷

向未、石門取微徑、木葉塞大地、徑盡一潭落、水破兩岸對、霧雲霾潭面、雷霆鑽地肺、藤猿詫生人、哀鳴炯相視、碧眼豎老鬚、捷足掉長臂、仰已寒太虛、俛恐陷大隊、前臨匪是處、後顧怵非類、虞獵猺絕跡、抨彈鳥不避、側睨破嘯鬼、顧肉我縮蝟、兩奴棄我去、我馬亦自退、概途出松箐、濕血灑衣袂、懼愾忿生性、齟齬曳死屍、幽憂勉與喜、我命實相寄、就奇壯有悔、慟哭茲匪義、下嶺投孤邨、籬落森自衛、主人笑險語、山月照清睡、安身倚牀席、惡境覺夢寐、夫子謝安石、試語神已會、躡屐關鴈宕、此勝庶可繼、先生去有禦、小子遊可再、磨崖鐫堅頑、有作巨深邃、青冥千尋梯、白鬢徑丈字、

銅魚山 (輿地紀勝) 在欽州西北八十里。相傳下有巨石。陂隄下鑄大銅魚。以爲水寶。

因名。一名古寶山。(採訪) 縣南二百里。北麓有屯樓村。汶溪所出。山上有唐宰相姜

公輔讀書堂。山陽即欽縣境。(清戶部主事欽州馮敏昌銅魚山詩) 銅魚山高一百丈、山頭井深不盈尺

浣風露、松桂簫條戀崖石、巖虛壁壓遺刻暗、磴絕梯懸古苔澀、淒涼氣象幾百年、姜子書堂竟誰識、(自註) 一山上有姜德文讀書堂址、一位望平章何足云、道併伊呂聞在昔、朝廷暇豫直諫聲、時事倉黃叩馬力、奇才本自山林、編摩未審何書策、平生負氣領落落、邇來望台還惻惻、銅柱迢遙邊嶠崎、翼軫蒼茫烟霧積、誰憐海國空蜃氣、(自注)「公有白雲照春海賦、」徒爾山靈護礎石、(自注)「山上柱礎、云是公書堂故物也、」陰雨濛濛遠江合、晴雲溶溶半山出、林巒清曠無古今、公應未減真頭色、

自茶山入靈山縣境。爲帽子山。夾蛇嶺。分二支。西出爲青草嶺。堆沲嶺。插花嶺諸嶺。復

入縣東南境。爲巫山崩巔諸山。以上蒲津鄉境東出爲那懷山。斑峯諸山。以上劉墟鄉境其主幹由茶山直走

靈山、合浦、橫縣、興業、北流、陸川、茂名、羅定、恩平、新會。抵西江。入海處而止。在縣境者僅一段。此苟扇主幹之大畧也。

天板山 縣東西六十里。

壘玉嶺 縣東南七十里。光緒間。南寧知府惠榮。設農務局以開墾焉。

十二峯 一名十二頂山。列峯十二。雄偉奇聳。與夔巫等。因以爲名。縣東南七十里。

崩巔山 縣東南六十里。下有岾崎坳。爲邕永要道。上有老君洞。枕山帶江。風光明瑟

。巖泉由石鍾乳下滴。甘冽可飲。俗稱北帝巖。

那懷山 縣東南百五十里。山陽爲靈山地。舊有營汎。今廢。

大謝山 縣東南百三十里。山半有泉。引以灌田。其北爲小謝山尖山。皆挺秀。

斑峯 縣東南百十里。遍山皆石。其色朱殷。繼以黝澤。故名斑峯。三峯突起。陟淑遠眺

。頗具獨尊之象。有甘泉堯洞仙掌梅崖諸勝。堯洞在山半。頗幽邃。御史鍾德祥讀書

廬。甘泉。溫甘。滄茗。匝月無變味者。中丞張凱嵩行部時。攜載以飲。仙人掌。在

斑峯之陽。五指參錯。梅崖踞其麓。石壁一幅。自成梅花。枝柯扶疏。巧於雕刻。刻

有晴雪梅花四大字於崖之巔。不知出何人手。

公茂山 縣東南百二十里。高聳秀麗。起頂爲象山。界永淳。

望江嶺 縣東南百十里。一峯屹立。遙望鬱江環流如帶。下有楞箕坳。

芭蘭山 縣東南百一里。一名**礮礮山**。方言謂**石礮**。謂石斑駁礮也。山畔有巖。僅鳥道

可達。懸崖壁立。奇險可守。咸同間土寇孫仁廣作亂。鄉人逃避於此。結壘自保。芭

蘭與望江之間。又有石洞。黝然深黑。非炬勿矚。初入洞。水滴漉成乳。以石擊石。鏗然有聲。若振金鉦。洞之上又有洞焉。行十餘級。旁有巨壑。淵泔莫測。遊者須禹步跨越而過。如蝸纏壁。繞繚旁行。乃得入。見有無數大小洞。石筍下垂。如刀戟森列。又偃僂行數十步。益復逼狹。闊不盈尺。微透隙光。始達其椒。覩天日矣。高十餘丈。是爲天門。

淶泊山 縣東南百里。爲橫永孔道。勢頗逼仄。貢生黃瑞麟葺以石路。鑿石得泉。曰淶泊。並構亭曰望邕。以憩行旅。

和里山 縣東南九十里。高與望江嶺齊。東接淶泊山。西扼索靈坳。爲鄉勇哨望處。

## 邕寧縣志卷二終

